

三國志集解

二

三國志卷之三

魏書二

三國志二

文帝紀第二

晉 平 陽 侯 相 安 漢 陳 壽 撰

宋 中 書 侍 郎 西 鄉 侯 聞 喜 裴 松 之 注

沔 陽 盧 弼 集 解

文 皇 帝 諱 丕

潘眉曰闕澤云丕為丕字當作丕今作丕者非胡玉縉曰潘說非也說文一部丕大也从一不聲段注丕隸書中直引長故云丕

之字不十漢石經作卒可證非與丕殊字也段說甚瞭潘氏以隸變駁篆文慎矣

字 子 桓 武 帝 太 子 也

錢大昭曰文帝為高祖明帝為

烈祖見景初詔中承祚文明二紀俱不稱祖蓋德不相副且無功可錄削而不書史筆之謹嚴也

中 平 四 年 冬 生 於 譙

趙一清曰寔字

記卷十二魏文帝祠在譙縣東五里初太祖以議郎告疾歸鄉里築室於此文帝生於此宅弼按魏武故宅詳見武紀卷首及建安十五年注

魏書曰帝生時有雲氣青色而圜如車蓋當其上終日望氣者以為至貴之證非人臣

之氣 水經陰溝水注譙城東有曹太祖舊宅文帝以漢中平四年生於此上有青雲如車蓋終日乃解即是處也 本志卞后傳注引魏書云后生時有黃氣滿

室此皆讖緯附會 年八歲能屬文有逸才遂博貫古今經傳諸子百家之書善騎射之詞不足信也

好擊劍 文帝典論自序云時余年五歲上以世方擾亂教余學射六歲而知射又教余騎馬八歲而能騎射矣 舉茂才不行 獻帝

起居注曰建安十五年為司徒趙溫所辟 趙一清曰後漢書獻帝紀建安十三年春正月司徒趙溫免五疑當作三弼按通鑑

考異云十三年罷三公 官溫不至十五年也 太祖表溫辟臣子弟選舉故不以實使侍中守光祿勳郗慮

持節奉策免溫官 官本郗作郗盧文弼曰郗音絺郗詵晉大夫郗縠之後郗鑿漢郗慮之後姓源既異音讀各殊不可因俗書而遂相混也 郗慮

事見武紀建安十八年注范書趙典傳典兄子謙謙弟溫相繼為三公溫字子柔建安十三年以辟司空曹操子丕為掾操怒奏溫辟忠臣子弟選舉不實免官惠

棟曰忠臣猶中臣謂中朝臣也李固傳詔書禁侍中尚書中臣子弟不得為吏察孝廉故操以是奏免溫也周壽昌曰功臣表陽都敬侯丁復注為將軍忠臣侯亦

有忠臣字時操封武平侯是知功臣列侯得稱忠臣必漢制如此不然操奏劾人豈自稱為忠臣耶鮑昱傳帝報曰吾固欲令天下知忠臣之子復為司隸也案昱

父永封關內侯羊續傳續以忠臣子孫拜郎中按續先世並未以忠節著是世卿之家亦可稱忠臣吳芮傳高祖稱芮為忠功臣之名忠臣或肇於此弼按周說近

是惠說失之牽強若謂忠臣子弟不得爲吏察孝廉然則操何以舉孝廉乎此蓋操藉故去溫溫免之後乃罷三公大權操於一人矣

### 建安十六年爲五官中郎將副丞相二十二年立爲魏太子

高堂隆傳文帝爲太

子耽樂田獵晨出夜還棧潛諫止太子不悅自後游出差簡

魏略曰太祖不時立太子太子自疑

陳思王傳植旣以才見異丁儀丁廙楊修等爲之羽翼太祖狐疑幾爲太子者數矣然植

任性而行文帝御之以術矯情自飾宮人左右並爲之說故遂定爲嗣又見崔琰毛玠邢顛賈詡傳

是時有高元呂者善相人乃呼

問之對曰其貴乃不可言問壽幾何元呂曰其壽至四十當有小苦過是無憂也後無

幾而立爲王太子

各本皆誤作皇太子馮本局本不誤

至年四十而薨

何焯曰此與朱建平事相類或所傳異也朱建平事見後

方伎傳

### 太祖崩嗣位爲丞相魏王

賈逵傳太祖崩洛陽逵典喪事鄢陵侯彰問逵先王璽綬所在逵正色曰太子在鄴國有儲副先王

璽綬非君侯所宜問也遂奉梓宮還鄴陳矯傳太祖崩洛陽羣臣拘常以爲太子卽位當須詔命矯曰王薨于外太子宜割哀卽位以繫遠近之望明日以王后令策太

子即位

袁宏漢紀

晉書袁宏傳宏字彥伯侍中猷之孫（猷為陳郡陽夏人）宏有逸才文章絕美少孤貧以運租自業謝尚鎮牛渚秋夜乘月微服泛江聞舫

中諷詠乃宏誦其詠史詩迎與談論引參軍事遷桓温記室入為吏部郎出守東陽郡撰後漢紀三十卷宏自序云予嘗讀後漢書煩穢雜亂聊以暇日撰集為後

漢紀其所掇會漢紀謝承書司馬彪書華嬌書謝沈書漢山陽公記漢靈獻帝起居注漢名臣奏旁及諸郡耆舊先賢傳凡數百卷後見張璠所撰書差詳復探而

益之隋書經籍志後漢紀三十卷袁彥伯撰史通正史篇袁宏依荀悅體著後漢紀三十篇世言漢中興史者唯袁范二家而已郡齋讀書志云宏在晉末為一時

文宗雖為桓温禮遇每不阿屈以東京史籍不倫謝承司馬彪之徒錯謬同異無所取正惟張璠紀差詳因參摭記傳以損益之比諸家號為精密四庫提要云璠

書已佚惟三國志注後漢書注間引數條取與此書互勘互有詳略核其文義此書為長體例雖仿荀悅而抉擇去取自出鑒裁抑又難於悅矣沈家本日裴注但

稱漢紀省文

載漢帝詔曰魏太子丕昔皇天授乃顯考以翼我皇家遂攘除羣凶拓定九州

弘功茂績光于宇宙朕用垂拱負辰

書武成垂拱而天下治謂垂衣拱手也禮明堂位天子斧扆南鄉而立為扆狀如屏風繡

為斧文天子依之而立一十有餘載負之而南面對諸侯也

今本袁紀二作三誤蓋操遷帝都許二十五年也

天不懋遺一老永

保余一人早世潛神哀悼傷切丕奕世宣明宜秉文武紹熙前緒今使使持節御史大

夫華歆奉策詔授丕丞相印綬魏王璽紱領冀州牧方今外有遺虜遐夷未賓旗鼓猶

在邊境干戈不得輟刃斯乃播揚洪烈立功垂名之秋也豈得修諒闇之禮

晉書禮志云尙

書杜預以爲古者天子諸侯之喪始同齊斬既葬除喪服諒闇以居心喪終制不與士庶同禮盧欽魏舒問預證據預曰傳稱三年之喪自天子達此謂天子絕葬唯有三年喪也非謂居喪衰服三年與士庶同也周公不言高宗服喪三年而云諒闇三年此釋服心喪之文也叔向不譏景王除喪而譏其燕樂已早明既葬應除而違諒闇之節也此皆既葬除服諒闇之證又云魏氏革命以既葬爲節合於古典然不垂心諒闇同譏前代周壽昌曰丕居操喪而詔謂爲諒闇蓋當時秉筆者已無一漢臣矣後晉武帝詔山濤曰山太常雖居諒闇則直以君詔其臣矣究曾閔之志哉其敬服朕命抑弭憂懷旁祇

厥緒

錢儀吉曰旁疑作方

時亮庶功

袁紀緒作序庶功作天功

以稱朕意於戲可不免歟

尊王后曰王太后改建安二十五年爲延康元年

范書獻帝紀三月改元延康胡三省曰此

漢改元魏志也

元年二月

沈家本曰後漢書獻帝紀建安二十五年三月改元延康按三月始改元而書元年二月追書也操以正月卒則二月以後之

事當繫於不延康雖漢號而不所改也

魏書載庚戌令曰關津所以通商旅池苑所以御災荒設禁重稅非所以便民其餘池

籞之禁

漢書宣帝紀地節三年詔池籞未御幸者假與貧民蘇林曰折竹以繩緜連禁籞使人不得往來律名為籞服虔曰籞在池水中作室可用棲鳥鳥

入中則捕之應劭曰池者陂池也籞者禁苑也臣瓚曰籞者所以養鳥也設為藩落周覆其上令鳥不得出猶苑之畜獸池之畜魚也

輕關津之稅

皆復什一辛亥賜諸侯王將相以下大將粟萬斛帛千匹金銀各有差等遣使者循行

郡國有違理掊克暴虐者舉其罪

### 壬戌以太中大夫賈詡為太尉

漢書百官公卿表太中大夫秩比千石（續漢志同）太尉見武紀卷首續漢志太尉公

一人掌四方兵事應劭曰自上安下曰尉武官悉以為稱鄭玄注月令亦曰秦官尙書中候云舜為太尉束皙據非秦官以此追難玄劉昭曰緯候衆書宗貴神詭出沒隱顯動挾誕怪圖讖紛偽其俗多矣太尉所職即舜所掌遂以同掌追稱太尉乃中候之妄蓋非官之為謬康成淵博自注中候裁及注禮而忘舜位豈其實哉廣微之誚未探碩意弼按本志黃初二年日食奏免太尉詔有天地之眚勿復劾三公漢末魏武罷三公欲權歸於一人也魏復置三公將為禪代之事也

### 御史大



夫華歆爲相國

繼鍾繇之後

大理王朗爲御史大夫置散騎常侍侍郎各

四人

胡三省曰散騎常侍秦官也秦置散騎又置中常侍散騎騎從乘輿車後中常侍得入禁中皆以爲加官漢東京初省散騎而中常侍用宦者至是初置

散騎合之於中常侍爲一官曰散騎常侍掌規諫不典事貂璫插右騎而散從後遂爲顯職散騎侍郎自魏至晉與散騎常侍中黃門侍郎共平尙書奏事江左乃罷弼按胡氏所云本宋書百官志其云散騎常侍不典事本魏略按初學記引齊職儀云魏文帝復置散騎之職與中常侍合爲一官除中字直曰散騎常侍置四人典章表詔命手筆之事據此則散騎常侍非不典事也又按是時尙書陳羣制九品官人之法此爲國家選舉大政紀未書失之

其宦人爲官者

不得過諸署令

胡三省曰謂左右中尙方中黃左右藏左校甄官奚官黃門掖庭永巷御府鉤盾中藏府內者等署也趙一清曰續百官志黃

門令一人六百石黃門署長畫室署長玉堂署長各一人丙署長七人皆四百石宋書百官志黃門令魏晉以來四人弼按紀言諸署令以胡氏所列舉爲是

爲

金策著令藏之石室

近懲五侯十常侍之禍此魏文之善政也

初漢熹平五年黃龍見譙

姚範曰桓

帝建和元年亦書沛國言黃龍見譙

光祿大夫橋玄

玄事見武紀卷首玄熹平時爲光祿大夫續百官志光祿大夫比二千石漢官儀曰光祿

大夫屬光祿勳門外特施行馬以旌別之荀綽晉百官表曰光祿大夫古官也職掌言議毗亮論道獻可替否贊揚德化

問太史令單颺

太史

令見武紀建安元年注范書方術傳單颺字武宣山陽湖陸人善明天官算術舉孝廉稍遷太史令又蔡邕傳時妖異數見光和元年七月詔太史令單颺詣金商門引入崇德殿就問災異

**此何祥也颺曰其國後當有王者興**

趙一清曰熹平之朝譙尚為縣屬沛國占候者即云

其國若豫知當塗受命改制之事史氏多誣此其驗矣（說見水經獲水注）

**不及五十年亦當復見天事恒象**

**此其應也內黃殷登**

內黃見武紀初平三年注

**默而記之至四十五年登尚在二**

**月黃龍見譙**

趙一清曰宋書符瑞志延康元年三月黃龍見譙又郡國十三言黃龍見蓋魏以龍見為受命之符至改譙縣為龍譙國然以龍興

亦以龍亡假託象兆後遂為妖所謂其氣燄有以取之也龍譙國見水經獲水注梁章鉅錢儀吉說均同周壽昌曰延康元年三月黃龍見譙時改為龍譙國見水經獲水注而陳志未載何也弼按宋書符瑞志歷舉黃龍白龍青龍黑龍出見者數十次其不足為妖祥誠如趙說然趙周二氏謂改譙縣為龍譙國見水經獲水注則二氏均誤按水經獲水注作獲水又東逕龍譙固並無改譙縣為龍譙國之事且上文有獲水又東逕長樂固北則當時地名之稱某固者甚多又按龍譙固在今河南歸德府虞城縣東北譙縣在今安徽潁州府亳

**登聞之曰單颺之言其驗茲乎**

姜宸

州治兩不相涉趙周二說真嚮壁虛造矣

英曰殷登默記當以此時獻之安知非附會符命以要爵賞者乎弼按武紀建安五年云桓帝時有黃星見於宋楚之分遼東殷馗言後五十年當有真人起於梁沛之

間至是凡五十年而公破紹其事與此相類而皆驗於五十年之後其虛妄可知

魏書曰王召見登謂之曰昔成風聞楚丘之繇而敬事季友

左傳閔公二年成季之將生也桓公使卜楚丘

之父卜之曰男也其名曰友在公之右為公室輔及生有文在其手曰友遂以命之成風聞成季之繇乃事之而屬僖公焉故成季立之成風莊公之妾僖公之母

也繇卦兆之占辭

鄧晨信少公之言而自納光武

范書鄧晨傳晨字偉卿南陽新野人王莽末宛人蔡少公頗學圖讖言劉秀當

為天子或曰是國師公劉秀乎光武戲曰何用知非僕邪坐者皆大笑晨心獨喜

登以篤老服膺占術記識天道豈有是乎

賜登穀三百斛遣歸家

己卯以前將軍夏侯惇為大將軍

大將軍前將軍俱見武紀建安元年注

濊貊扶餘單于

焉老于闐王皆各遣使奉獻

濊貊諸國詳見烏丸鮮卑東夷傳及裴注引魏略西戎傳

魏書曰丙戌令史官奏修重黎羲和之職欽若昊天歷象日月星辰以奉天時

此尙書堯典之

詞孔傳云重黎之後羲氏和氏世掌天地四時之官陸氏音義云重少昊之後黎高陽之後羲氏掌天官和氏掌地官

臣松之案魏書有

是言而不聞其職也 丁亥令曰故尚書僕射毛玠奉常王修涼茂郎中令袁渙少府

謝奐萬潛

武紀建安十八年注作長史萬潛謝奐毛本吳本萬作万局本作方均誤

中尉徐奕國淵等

尚書僕射見武紀建安十八年

注奉常見建安二十一年注郎中令見建安十九年注少府見建安三年注洪飴孫曰建安十八年魏國初置中尉黃初元年改為執金吾執金吾見初平元年注

皆忠直在朝履蹈仁義並早即世而子孫陵遲惻然愍之其皆拜子男為郎中

續百官志五官

郎中比三百石主更直執戟宿衛諸殿門出充車騎李祖楙曰宿衛要地故用郎官而郎非公卿校尉尚書諸臣子弟不得補凡稱除一人為郎以一子為郎者皆指三署諸郎非尚書郎之職也弼按徐奕傳注引魏書云詔以其族子統為郎以奉奕後詔為郎者即拜郎中也又互見臧洪傳

### 夏四月丁巳饒安縣言白雉見

洪亮吉日饒安漢舊縣元和志漢靈帝時於千童縣置饒安水經注云後漢改千童縣為

饒安縣今考千童縣中興後省靈帝蓋於千童故處立縣改名饒安也吳增僅曰據魏志文紀饒安白雉見注云賜勃海郡百戶牛酒則為靈帝時置屬勃海尚可徵信趙一清曰方輿紀要卷十三北直滄州東北七十里有饒安城戰國時齊邑史記趙悼襄王四年龐煖攻齊取饒安漢為千童縣地屬勃海郡後漢靈帝改置饒安縣於此一清案郡國志勃海郡無此縣蓋缺失也弼按曹贊封饒安王即此見武世王公傳北海悼王蕤傳李兆洛曰饒安故城今直隸天津府南皮縣東南八十里謝鍾

英曰今天津府鹽山縣西南五十里

魏書曰賜饒安田租渤海郡百戶牛酒

渤海郡見武紀初平元年

大酺三日

漢書文帝紀酺五日服虔曰酺音蒲文穎

曰音步漢律三人以上無故羣飲酒罰金四兩今詔橫賜得令會聚飲食五日也師古曰酺之爲言布也王德布於天下而合聚飲食爲酺字或作脯

太常

以太牢祠宗廟

武紀建安二十一年注引魏書始置奉常文紀黃初元年十一月改奉常爲太常則此時應書奉常也

### 庚午大將軍夏侯惇薨

魏書曰王素服幸鄴東城門發哀

孫盛曰在禮天子哭同姓於宗廟門之外哭於城

門失其所也

何焯曰魏未嘗以夏侯爲同姓故與之婚姻孫盛所議非也彭孫貽曰是時漢獻在御遠責曹丕以天子之禮不亦悖乎見茗香堂史論

卷一周壽

昌說同

### 五月戊寅天子命王追尊王祖太尉曰太王

王祖宋元本馮本作皇祖誤胡三省曰王祖漢太尉曹嵩

也  
夫人丁氏曰太王后

通典卷七十二魏文帝卽王位尙書令桓階等奏臣聞尊祖敬宗古之大義故六代之君未嘗不追崇始祖顯

彰所出先王應期撥亂啓魏大業然禰廟未有異號非崇孝敬示無窮之義也太尉公侯宜有尊號所以表功崇德發事顯名者也故易言乾坤皆曰大德言大人與天地合臣等以為太尉公侯誕育聖哲以濟羣品可謂資始其功德之號莫過於太王詔曰前奏以朝車迎中常侍大長秋特進君侯神主然君侯不宜但依故爵乘朝車也禮有尊親之義為可依諸王比更議博士祭酒孫欽等議案春秋之義五等諸侯卒葬皆稱公與王者之後宋公同號乃臣子褒崇其君父以此言之中常侍大長秋特進君侯誕育太王篤生武王奄有四方其功德之號莫過太王今迎神主宜乘王車又宜先遣使者上諡號為太王於是漢帝追諡為太王弼按桓階等奏謂太尉宜有尊號指曹嵩言也漢帝詔云大長秋特進君宜上諡號指曹騰言也奏與詔不相應似為二事通典連類書之

**封王子叡為武德侯**

水經河水注河水自武德縣漢獻帝延康元年封曹叡為侯國即魏明帝也郡國志司隸河內郡武德一統志武德故城今河南懷慶府武涉縣東南

**魏略曰以侍中鄭稱為武德侯傳**

吉茂為武德侯庶子見常林傳注引魏略

令曰龍淵太阿出昆吾之

**金** 史記蘇秦傳龍淵太阿集解云吳越春秋曰楚王召風胡子而告之曰寡人聞吳有干將越有歐冶寡人欲因子請此二人作劍可乎風胡子曰可乃往見二人

人作劍一曰龍淵二曰太阿

**和氏之璧由井里之田**

晏子春秋曰和氏之璧井里之璞耳良工修之則為薦國之寶韓子曰楚人卞和得

玉璞於楚山獻厲王使玉人相之曰石也王以和為慢刖右足及武王即位又獻之復相曰石也刖左足及文王即位和乃抱其璞而哭於楚山三日三夜泣盡繼

之以血王使玉人治之得寶玉焉名曰和氏之璧

礪之以砥礪錯之以他山故能致連城之價為命世之寶

文館詞林六百九十五命世作曠代

學亦人之砥礪也稱篤學大儒勉以經學輔侯宜旦夕入侍

文館詞林

六百九十  
五侍作授

曜明其志  
何焯曰曜當作昭避晉諱改

### 是月馮翊山賊鄭甘王照率眾降皆封列侯

馮翊見武紀建安十六年趙一清曰晉書地理志魏文帝

即位改京兆尹為太守馮翊扶風各除左右

魏書曰初鄭甘王照及盧水胡率其屬來降

范書西羌傳燒何豪時為盧水胡所擊竇固傳固率酒泉敦煌張掖甲卒及盧

水羌胡萬二千騎出酒泉塞章懷注湟水東經臨羌縣故城北又東盧溪水注之

沮渠蒙遜世居張掖臨松盧水即此川

王得降書以示朝曰前欲有令吾討鮮卑者吾不從而降又有

欲使吾及今秋討盧水胡者吾不聽今又降昔魏武侯一謀而當有自得之色見譏李

悝荀子堯問篇魏武侯謀事而當羣臣莫能逮退朝而有喜色吳起進曰楚莊王謀事而當羣臣莫逮退朝而有憂色莊王曰諸侯自為得師者王得友者霸得

疑者存自為謀而莫己若者亡是以憂也楚莊王以憂而君以憲武侯遂  
巡再拜曰天使夫子振寡人之過也馬驢曰新序吳子同呂覽作李悝 吾今說

此非自是也徒以為坐而降之其功大於動兵革也

酒泉黃華張掖張進等

郡國志涼州酒泉郡治福祿張掖郡治麟得惠棟曰麟  
孟康音鹿得一作憲見廣韻一統志福祿故城今甘肅

肅州治麟得故城今甘肅甘州府  
張掖縣城西北福祿互見龐涪傳

各執太守以叛金城太守蘇則討進斬

之

金城郡見武紀卷首曹真傳張進等反  
於酒泉真遣費曜等討破之斬進等

華降

張既傳是時不置涼州自三輔拒  
西域皆屬雍州文帝即王位初置

涼州以安定太守鄒岐為刺史張進執郡守舉兵拒岐黃華翹演各逐故太守舉兵  
應之張既進兵為蘇則聲執故則得以有功彌按是役實為蘇則之功詳見則傳曹  
真張既遙為聲勢而已本紀大書  
金城太守蘇則討進亦實錄也

華後為兗州刺史見王凌傳

六月辛亥治兵於東郊

魏書曰公卿相儀王御華蓋視金鼓之節

宋書禮志作親令金鼓之節錢儀吉曰武  
紀建安二十二年冬十月治兵注引魏書



云王親執金鼓以令進退宋書爲是

### 庚午遂南征

是時孫權破關羽定荊州曹公表權領荊州牧權遣校尉梁寓奉貢曹孫方睦何以有南征之事何焯謂丕將行禪代之事託詞南

征治兵以備非常誠然

魏略曰王將出征度支中郎將新平霍性上疏諫曰

洪飴孫曰度支中郎將一人二千石掌諸軍兵田書鈔御覽引

魏略云司農度支校尉掌諸軍兵田則度支中郎將職亦應同趙一清曰晉書地理志新平郡漢置續郡國志注引袁山松書曰興平元年分安定鶉觚右扶風之漆置新平郡方輿紀要卷五十四建安中置新平郡置漆縣又云興平元年分安定扶風置新平郡今陝西西安府邠州是也一統志漆縣故城今邠州治 臣

聞文王與紂之事是時天下括囊无咎

易括囊无咎无譽正義曰括結也囊所以貯物閉其知而不用故曰括囊功不顯物故曰

无譽不與物忤故曰无咎

凡百君子莫肯用訊今大王體則乾坤廣開四聰使賢愚各建所規伏

惟先王功無與比而今能言之類不稱爲德故聖人曰得百姓之歡心兵書曰戰危事

也是以六國力戰彊秦承做幽王不爭周道用興

官本攷證曰幽王謂太王也監本作幽非文類宋本俱作幽今改正